

張氏家乘

古沛夏鎮部城西門裡張樓

江苏工业学院图书馆
藏书章

張氏家乘

徐州馬市街維新石印局承印

公元一九五四年歲次甲午杏月

上浣之吉

樹滋堂訂

張氏創修族譜序

考古之史記黃帝十有二子分為十二族吾張氏乃少昊青陽氏第五子名揮為弓正長有特長故賜姓張此為得姓之始也自此祖分而為宗別而為族或以世亂遷移異地仕宦轉移散居各方地異情疎無譜聯系數傳之後昧其祖宗之源則苗裔無所據親疎無所辨將各宗其宗各族其族忘其本源吾今欲聯宗收族何

可得也茲按吾支先祖原居直隸省良鄉縣世傳儒業芹香繼續有吾洪飛祖於明朝洪武二年携眷游學遍歷各省參觀文化數年始達蘇沛樂此風俗仁厚遂停車安寓不復直省乃擇居沛東夏村即今之夏鎮部城內教讀為業數年之後家道頗興營室造廬乃因材施教其四子有讀書者有務農者有經商者由此資產富裕丁口繁衍至三四世五六世祖世敦儒業家道

殷富方建樓房始得張家樓之稱人文蔚起尤
倍於前廩貢生員十餘名乃建祠修譜以垂後
世至八世祖失考仕閩為倉廩之職九世祖失考為
蘇州教授十世祖失考好善樂施為學不倦蒙沛
縣李知事贈

德學兼優匾額至十一二三世祖門衰祚薄於
清咸豐元年洪楊革命世亂異常家遭兵燹繼
之黃河堤潰蟠龍濟兗旁溢豐沛頂衝故夏鎮

全市盡成澤國先人家祠譜牒書籍名人字畫
湮沒一空家道隨為一敗合族散居四方有遷
嶧地泗縣者

思瑞祖即徙居協義廟等地迨水患既平旁支
不復故土惟我祖仍歸夏鎮此乃先人世代相
傳而言之也迄今追昔既遭兵燹又逢水患惟
族譜而不得見此為子孫者所以涓涓而悲也
悲不能已則修譜之議而起兼之族人蕃衍無

譜以統系之昭穆莫辨宗派不明散漫凌亂再
過數年尤不易聯絡也余素抱此志每愧才不
優復慮資不贍恐恐然不敢倡說但觀族中長
我者不過數人再遲數載又不知存者誰若不

及時創修恐有無徵之嘆故商之族侄孫振青
青曰我久有此志但慮無才公為倡導創修譜
牒何患功不成乎遂約族人啗討無不歡迎樂
助乃將宗支親疎採訪清楚謄錄授梓訂成幾

卷以昭後世 余思前人所創以賴今人成之今
人所創尤賴後人成之後人復有後人也相承
勿失則家譜永垂不朽是余厚望焉

肯

值

公元一九五四年歲次甲午農曆二月上浣之吉

洪飛祖十七世孫 際永謹識

張氏創修族譜序

蓋聞家之有譜猶國之有史也國無史無以考
興衰治亂之由家無譜則無以別世系本源之
辨斯二者大小不同其不可無則一也然世代
未遠宗支未蕃修譜其為功也易世代既遠宗
支既渙修譜其為功也難夫吾張氏祖居直
隸省良鄉縣上氏今無可攷自吾
先始祖洪飛公於明朝洪武二年奉令携眷游

學遍歷各省參觀文化數年方抵蘇省觀沛邑
文風高尚乃禮義之區遂逆命不復直省乃擇
居沛東夏村即今之夏鎮部城西門裡教讀為
業數年之後生徒皆廩貢生員於是以此地為
久居之所此為來沛之始祖也自此數傳之後
家道頗興人文蔚起可稱芹香繼續仕宦接踵
先祖官居何方任膺何職有叔祖子恒公前已
叙之吾不再書六世祖建祠修譜以昭後世奈

後人無福頻經喪亂又遭兵燹最甚者至咸豐
元年蟠龍河決夏鎮一帶盡成澤國乃將家祠
譜牒湮沒家產盡屬一空合族徙居四方吾
高祖思瑞公乃遷夏鎮西北十二里薛北運南
之間即今之協義廟是也迨水患既平長房
高祖思敬公仍復夏鎮別支亦有未復者吾
高祖樂居協義廟不復故土斯為遷居之本源
也吾今思之譜牒湮沒百餘年矣族中宗支蕃

行散居四方無譜聯系本源由何而知昭穆何
明親疎何別若過於遠方同宗之親返茫然莫
辨而視如途人此非族人莫辨親疎實乃無譜
之故也 吾常懷修譜之志實無創修之才空為
搔首自嘆幸有族叔祖 子恒公到舍告余曰
族譜湮沒百餘年矣今創修之責惟吾與汝若
不積極辨理俟後責在何人 余應之曰誠哉是
言也今有領導我者何患譜牒不成功乎 余即

遂子恒公遍查各支本源尊卑疎戚分支別派
謄錄授梓訂成幾卷以垂後世茲幸事告竣矣
工告成矣余望族人敦宗睦族勿相關狠富貴
不驕貧賤強衆不虐弱寡士篤于學農勤于耕
患難相扶持婚喪與周恤父慈子孝兄友弟恭
若遵斯言可為孝友之門是在後嗣克自樹立
各相砥礪繼修譜牒是在後輩之責余勿贅矣
謹為序

省

值

公元一九五四年歲次甲午杏月上浣

之吉

洪飛祖十九世孫

振青謹識

創修張氏家乘總目

十七世際永編輯

序文二篇

凡例十條

合族排行字例

家範十四則

修譜名次

大宗小宗圖

服制全圖

譜法小記

四門宗支圖

譜圖

凡例十條

一譜例悉遵歐式五世一提系派橫衍與蘇式
小異閱者自知

一凡譜中以世系提綱世者代也猶云几輩也
系者繫也系下者言以下之人為我所統
繫之也如一輩至十三輩單排直下其左
亦以一至十三世單排直下至十四世提
叙亦然此則所為綱也總圖而外名曰系